

AUF WIEDERSEH´N !

by Mani M.

Riff-Rock, Tmp.= 100 D-Dur

A1 De Leut redn gern und vül - oba kana redt vom Sterbn
Eh kloar, weil kana wüll, - sich die Lebensfreud vaderbn
i bin der, der jetz wos sogt, - und der da wos dazöhlt
wonn dei letztes Stündl schlogt- wonn du furt muaßt von dieser Wölt.

B1 **Auf Wiederseh´n - bis zum nächstn Leb´n!**
Auf Wiederseh´n - mir wer´n uns wieder seg´n!
Auf Wiederseh´n - bis irgendwonn!
Auf Wiederseh´n - i glab fest dron!

A2 Da ane glab, doß er in Himml foahrt- da ondre in die Höll!
Da Himmlvota hot an weißn Boart - und da Teifl hot a schwoazes Föll!
Do kenn i an, der glab auf gor nix - der mant er schloft anfoch ein
im nächst´n Leb´n trifft ihn da Blitz - für seine linken Gaunerei´n.

B2 **Auf Wiederseh´n - bis zum nächstn Leb´n! . . .**

D Irgendwonn reißt dos silberne Band
und i foahr aus mein sterblichen Gwond! – (*git 1: Solo 6Takte*)
I schweb üba mir und i schau auf eich nieda
herts auf zun Plärrn, i kumm bold wieda! - (*git 2: Solo 6Takte*)

A3 Wos hot dos Leben fia an Sinn - ausser leiden, lernen, streben?
sog du mir nit doss I deppat bin - weil i hob´s jo sölba g´segn!
I woa do, i woa durt, wieda do, wieda durt- i bin noch nit soweit,
irgendwonn geh i donn furt - in die letzte Ewigkeit.

B3 **Auf Wiederseh´n - bis zum nächstn Leb´n! . . .**

B4 **Auf Wiederseh´n – auf Wiederseh´n . . . (4x)**

Auf Wiederseh´n – auf Wiederseh´n . . . (4x)

MM, Jan. 2008